

新刻羣音類選

新刻羣音類選卷十七

虎林 胡氏 文會堂 校選

藍田記

神贈玉種

金衣公子嘉種數餘升種拳石美玉生姻緣用此作  
紅定欲問娉婷不離北平此娘名字徐為姓豈無憑  
生前兩足先已繫紅繩前腔再拜謝神明謝神明相  
玉成人心有願天心應一點精誠三載陰行百年姻  
眷從今定喜惺惺佳音豫卜何必問前程前腔纔向  
隴頭耕見藍田瑞氣生未埋石子先光瑩天地儲精

山川效靈管教美玉生佳境粹結疑時來看取白璧  
可連城前腔種玉既脩盟整琴書上國行席珍自有  
明王聘十載青燈萬里雲程一枝丹桂嫦娥贈喜成  
名璠璣增價得志在瑤京

元宵佳遇

畫眉序紫禁瑞烟縹百疊鰲山駕星橋見幾簇香車  
寶馬玉勒金鑣踏歌聲響入雲端彩鳳輦扶來天表  
良宵一刻千金少休教洞天疾曉皂羅袍此景堪空  
行樂聽揭天絃管聲高火樹花開滿城嬌燈毬光映  
徹天照彩雲未散銀燭正皎白駒難繫紅燭易燒儘

今宵莫負尊前笑，畫眉序三五正元宵。爛熳銀燭影

紅搖，我只見煙籠芝蓋，月在梅梢。風流子興逐紅裙

富家郎醉欹烏帽，笙簫齊奏鈞天樂。人在洞庭蓬島

前腔人度望仙橋，翠袖籠香馬嘶嬌。見幾度紅粧披

闌翠黛窺箔，十二街迤邐香生，三萬界氤氳燈罩綠

薄。不見嫦娥貌，恨將月殿門敲。前腔萬點絳燈拋，秋

水芙蓉滿地嬌。我只見籠燈影下，半出多嬌，翦燭花

十指纖柔。明秋水雙眸輕眺，難描閉月羞花貌。似天

仙墜落雲霄。皂羅袍前度尋春不到，燈殘又度星橋

顛狂慢把彩毬拋。活潑滾入深堂奧，玉鞭頻打蒼奴

可惱擁帷直入雙睛四瞧猛擡頭正見風流俏前腔是誰家村粗年少把良家設計來嘲你野杏空來想仙桃俺鸞鳳怎去尋鷹鷂金吾弛禁不須細拷歸家照鏡形容欠標你蕞條繩兒梁間掉前腔二八燈光增耀重來密訪多嬌籠燈引過鳳凰巢香風撲滅紗燈單登堂乞火謙恭盡勞主人情重借光不少謝安人恩惠同燭照前腔這書生溫柔俊俏通禮體恭謹鞠勞丹桂一枝自然標崑山片玉從來少世間萬事讀書最高畫堂深處誰人敢到喜天台今日逢晨肇

藍田種玉

二犯傷粧臺終朝盼佳期因循不覺又過賞花時雖  
然是隔咫尺到勝似阻天涯客裡只憑消悶酒愁中  
誰寄斷腸詩峻嶒病骨瘦不勝衣教人無語怨春歸  
前腔何須皺雙眉青鸞此日將遮好音回準備着珠  
翠倚安排定錦紅儂喬木定牽鶯梭線野花管上燕  
巢泥銀河欲渡專待星期緣何自苦怨春歸前腔從  
今遂結禱鳳凰樓上管取玉簫吹剛舉頭聞鵲喜頻  
回首見蛛垂兼葭無心倚玉樹東風有意送遊絲玄  
霜搗盡雲英可期何須抵死怨春歸前腔耳盟今已  
執主人心事說與這生知你若欲成雙美他須要得

良璧他在天欲同比翼鳥在地願作連理枝一天好事別無異詞急須求玉莫捱遲前腔尊前聽因依姻緣到此方信有神祇念卑人居家日親曾把義漿施三載感神遺嘉種一朝種玉是良媒天緣有定人豈能違藍田管取玉生輝前腔疾忙效星馳曉行露宿莫憚路蹉跎你用心成美事我洗耳聽消息若得藍田出雙玉勝似紅幃牽五絲只須密取勿令人知得時珍重便疾回

約玉請期

高陽臺美玉天生良緣人定芳名已注婚牘喜近龍

乘那更兆諧鳳卜、頌祝特將白玉成紅禮、無幣帛妖  
黃、燕綠望尊前、藤蘿蔓引、早依喬木、前腔、不俗婚配  
朱陳姻協秦晉、憑誰引翼推轂、只須用白壁雙雙骨  
成就巫山六六、知否、玉臺一鏡成佳偶、又何須用珠  
三斛、喜君家姻緣分定、準陪芳躅、前腔、薰沐繫足紅  
繩、同心結帶、準備東床坦腹、魚水情投、說甚熊羆夢  
卜、賢淑監橋、搗盡雲英杵、能拚取拈香弄玉、綉屏前  
鸞翔鳳翥、平生願足、前腔、嬌奴賽玉生香、比花有語  
內家別樣粧束、寶髻雙綰、那更湘裙六幅、遐福畫堂  
十二金釵女、最偏能彈絲品竹、更喜有平地蓬萊釣



天樂曲前腔金屋嫋娜仙娃窈窕淑女幸得光分玉  
燭一笑抵金那更千嬌如玉華腴門迎珠履三千客  
氣蔥籠絃管聲促念卑微三生何幸得登仙籙前腔  
富足茁茁花深流蘇帳暖洞天不亞金谷翠幕紅帷  
那更芙蓉綉褥當初義漿三載陰功廣轉換得玉人  
香馥看蘭堂歡聲繚繞彩星高盡尾聲明朝便到神  
仙窟從頭展閱姻緣譜目下離天只尺五

受玉畢姻

梁州序爐烟輕裊簾鈎直上十里藏春錦帳綉屏開  
處雖雖一派笙簧只見影搖珠翠香動綺羅捧出臺

盤掌忽然一陣也。芰荷香，紈扇不揮，自有涼。合堆角  
黍泛蒲觴，喚舞紅，勸酒歌紅唱。似此結禱宴，正遇好  
端陽。前腔瓊樓燦爛，洞庭開放，擁出神仙儀仗。香風  
飄處，搖搖環珮鏗鏘，只見頻低蟬髻，怕展蛾眉，羞啓  
櫻唇絳。猛聞金釵墜，髻雲傷，露出纖纖春筍長。合前  
前腔向寶牕纔罷新粧，報第一仙人許狀，含羞脉脉  
幾番悒悒。那更流霞澌灑翠袖，慙慙侑飲，無酌量。無  
端頻送目，慢凝望，欲向蒲葵扇底藏。合前前腔喜嬌  
姿得配蕭郎，休辜負鳳凰臺上，好開懷對飲，互相酬  
侶。頃刻金烏西墜，玉兔東生，銀蠟明綃帳，細聽銅壺

漏幾多長一刻千金須莫妨。合前節節高銀蟾噴彩  
光映紗窓廣寒仙子今宵降輕風蕩露氣涼瑤臺亮  
八窓都把玲瓏放依稀人在清虛上。合願取良宵永  
如年莫把就中佳期曠。前腔譙樓更漸忙趣偏長香  
嬌玉軟人波浪幽懷壯興疎狂情蕩漾佳人才子紗  
籠象分明畫出蓬萊樣。合前尾聲看看斗柄移南向  
這光陰怎得如常正好雙雙歸洞房。

畫眉序情興引眉梢笑解羅衫鬆扣腰我將他舌尖  
唾嚙鞋底尖蹠初放蕊茵葯一萼乍含酸葡萄雙小  
魇瞧幾點紅香落錦襠顯出春嬌。前腔嫩柳怯風搖

無柰卿卿不憐嬌，我只覺雲鬟撩亂體態虛飄。只顧你  
兩帶雲迷，不管奴花嬌蕊小。逗嘲遍體都麻到，堪堪  
骨懈形銷。前腔春意總堪描，弄玉拈香一任交。我見  
他氣微舌冷，語嫩啼嬌，細涓涓露滴鮮花，輕淡淡雲  
濕芳草，興撩星眼朦朧小。何從覺地迴天高。前腔綢  
繆怎相拋，玉釵顛損鳳頭翹。霎時間汗流粉面被滾  
紅濤，揉出那海誓山盟團弄的鸞顛鳳倒。戲挑曲盡蘭  
房妙，只恐怕鄰雞啼曉。

琴心記

挑動琴心

玉胞肚殘砧瀟洒更寒蛩啾啾暗塔想輕羅扇撲流  
螢使吟風人佇西齋愁看駭鵲驚飛繞樹去還來立  
傍梧桐守鳳儕前腔將人厮害好良宵辜負不才單  
枕畔翠被寒生小屏中碧簾秋來蕭條宋玉雲空月  
暗楚陽臺枉對燈檠手托腮前腔真憐病客女娘行  
風情滿懷玉珮聲暗引鸞飛麝香風颺出春來芭蕉  
樹底朦朧走出鳳頭鞋掩映神仙下楚臺前腔放此  
寬債把月輪雲中暫埋三通鼓禁手忘敲五更雞閉  
口休開池邊宿鳥悠悠直夢曉光來月落烏啼慢慢  
捱

私通侍者

下山虎露凝玉樹，月轉迴廊，猛見花陰去。心中自忖，  
還愁你雲度空陰，又恐那天回曉光。展眼驚心不可  
當，樂意相親傍。花生暗香，咫尺天台，隔短牆。前腔低  
頭獨立，不語情傷，謾捲香羅袖。閑拈翠瑤，未聽你指  
上高山，難示我，心中遠江。兩下風流，正未降，怕我春  
心蕩，邀歸洞房，番與梅花做主張。蠻牌令鳳兮倦家  
鄉，往欲尋伴，遠求凰。柰無所相將，求匹得遂，偶共翱  
翔。喜絲蘿偷繫筵上，遇嬋娟流麗中堂。室空邇人遐，  
異方斷腸時，遠聽鳴璫。前腔接雙頸，交文吮成字尾。

配鴛鴦，誰與我如膠似漆，相傍着水雲鄉，怎能勾同心打當，與他行中夜相亡，一時事空惻我腸，欲溫存斗帳淒涼，尾聲將成好事來魔障，天上人間祇隔牆，你便略慢些兒做甚慌。

桃李爭放，有何他事情慌，賴伊今夜包藏，亭前柳帶笑滅銀缸，那步出蘭房，喜得新學士，偷避小梅香，一聲琴韻切，細端詳，誰要與去鳳翱翔，前腔羞臉好難藏，遠况倩誰降，蕭條頻惜玉，冷淡獨怜香，隔牆人去遠，事休忙，終是我與你成雙。

臨流守約

玉芙蓉雲深客鑠亭露下蟲依井想青鸞共侶早已  
飛騰金鈴小犬偏疑影玉樹嬌鸚獨喚名魂難定向  
誰行廝倩那些個輕援羅帶遠堦行前腔郵亭冷似  
水客路飄如梗使觀音出世普救那殘生一溝水月  
流難定幾樹烟花暗不明潛心等望朱門寂靜眼見  
得依依螢火砌邊生前腔相思債已成間阻人難病  
豈重門深鎖霧阻雲凝池風吹散金蓮影花雨傷殘  
彩鳳翎陽臺境與孤城寂靜也自有麻姑仙路接蓬  
瀛前腔磨穿脚底疼咬得牙根冷這奴根掇賺哄得  
伶俐三分好事三分命一半姻緣一半情誰高興向



梧桐樹底悠悠吹笛到天明

夜亡成都

孝順歌 姮娥伴，應念妾從來美事。天作合，願奇計脫金蟬。幽情付黃蝶，佳期暗接。休拘做西廂待月，不惜泥染羅裙。細寫心重疊。簪兒墜，雲鬢闌。但令鵲橋神暗歡悅。箭腔蛛絲網，罟罟蝶魚封。旦被狐狸刮鬣，驚未褪。翎虎豹已張鬣。菱花碎，跌一問蒼天，為何成拙。只恐錦片前程，翻成泪流血。把你做夫人，我便為侍妾。願求早行程，見寬業。鎖南枝。湘裙幅，仔細摺。巫山髻，縮花簪。插立綻鳳頭鞋。收拾杏花頰，鴛鴦被。與我疊，莫

思被中人兩和合前腔雕闌畔兩口囁咳嗽吞聲將  
指捻並拽短衫行時分手來搭重門响將水壓過門  
時兩肩狹憶多嬌重辛苦休訴說四下人聲奴心怯  
扳着花枝將身拽一聲樹拉一聲樹拉不覺心驚胆  
懾前腔袍錦褪紗帽壓香羅襪束腰一捻粉底靴兒  
跟頭過遠山一匝遠山一匝顯出翠鈿未貼前腔心  
內怯氣未接奔走東西空望切愁聽寒蛩中宵泣脚  
踪空躡脚踪空躡孰肯偷傳一劑前腔人影寂更漏  
徹懊惱風前心更裂月色梅花兩愁絕情事難說情  
事難說只恐翻成惡孽鬪黑麻止賴得一聲瑤琴譜

蹀便上了數行月書婚帖誰似我奮雄鬣欲渡無梁  
將身作楫合從今意愜路途甘遠涉只怕人知只怕  
人知追翻去鞦前腔為隔葉黃鸝偷遷出峽把帶雨  
梨花羞飛下榻奸一字為君罨送與仙娥月中相洽  
合前尾聲追來逸騎何躡蹀這箇冤家難對答偷情  
的下場頭地行須捷

蕭條抵舍

急板令念狂鯁困窮不才勿生嗟埋冤此來看時回  
運泰馬奮天衢鳳起蓬來飛騰青漢穩步金堦合權  
消受破壁青苔殘葉戶小茅齋前腔愧此身無能女

釵今屬你多能秀才，這也是時該命該永願交歡。困  
厄相捱，豈肯相疑，孤負多才。合前前腔你好把虛頭  
盡埋，隔壁話如今頓乖，追思可哀。賭盡黃金，着我難  
猜。船到江心，事到頭來。合前前腔掌中珠今日破胎，  
席上珍青年久懷。倘賣與皇家，紅錦為纏，白玉為釵。  
行酒青衣，給水芒鞋。合前人月圓時，魑魅業蕩家聲  
壞。戾門短缺，悲時滿堂前。燕去春風改，肯把心胸豪  
氣餒。合須寬待門閭鼎耀，富貴重來前腔。有志容高，  
取文章價，龍車鳳彩人爭愛。黃金白壁須還在塵土  
雲霄成感慨。合前

當墟市中

排歌竹葉清尊，東風冶城少年樂地，平分簾前花氣。  
漸銷凝，春色迷人，暗斷魂、歌聲動笑語。傾持杯何限，  
惜芳心、風光豔酒興深。杏花村店，寄多情、前腔紫閣。  
青樓金屏綉茵，何如野店嬌春，當盃入手，莫逡巡。休使  
明朝損別魂。春山媚，秋水清，須教酒量十分增。清歌  
斷，醉眼橫，何時重約訪蘭局。

北醋葫蘆你笑我是村坊酒肆徒，追不上那黃金屋。  
又道是苦齏鹽，羞殺那天廚祿。須知他丈夫豪氣充，  
破屋暫落得黃齏啖腹。那此箇走窮途，自有風雲足。

前腔)我只道是金鼎銀鑪錦綉坊、受用盡豪華美福、  
誰承望杏花村、却把那青旗蠹、枉恨殺倚市人兒紅、  
粉辱、又恐怕生涯斷續、只索向甕頭春底供醪醕、

誓志題橋

柰子花)天應念淪落狂鯁、奮青雲穩取封侯、河橋望  
裡錦袍歸畫、駕仙車、山川增秀、合)輻輳、願英聲一時  
騰茂、前腔)喜題柱刻畫銀鈎、願東山早占鰲頭、風雲  
萬里、奇功立就、勿淹畱、鵲河填守、合前)前腔)男兒漢  
須別恩仇、丈夫志、豈困荒丘、崆峒倚劍、奇功必就、恁  
驚看、拏雲雙手、合前)前腔)金門步、誰似青樓、玉堂春

豈換鴛鴦從橋誓畢莫違心口看蒼頭光生敝帚合  
前

吟寄白頭

看柳娘望天涯路長望天涯路長茫茫烟浪如何魚  
也難遊上盼青霄渺茫盼青霄渺茫空看雁排行誰  
傳這愁況向神前合掌向神前合掌勤燒暗香消除  
業障前腔豈東人受禍殃豈東人受禍殃遭羅法網  
山廚莫少齋和釀你空擔餓腸你空擔餓腸莫是念  
家鄉淒涼倍惆悵這腌臢醜狀這腌臢醜狀除非發  
狂痴心亂想前腔見夫人慘傷見夫人慘傷暗添悵

快玉京人已朝天上，柰輕迷豔妝。柰輕迷豔妝，桃李  
正芬芳。春風忽飄蕩，恨冤債未償。恨冤債未償，銀河  
漸朗。又生風浪。前腔為恩多意傷，為恩多意傷，肯教  
情放。脩眉懶畫，春山樣。柰山高水長，柰山高水長，雲  
雨竟茫茫。閨心向誰傷，敢是春心已蕩。是春心已蕩，翠  
消問息風流枝瘡。

五更轉我眉頭蹙，心內快。回思各斷腸，他如今紅被  
重翻浪。若欲追問緣由，教我泪珠先放。在京師，仍貴  
顯多佳况。人情淺薄難逆量，又做出當初弄琴伎倆。  
前腔卸袈裟，出道場。前途苦去路長，風飡露宿難打



當帶着魚絨雁帛，將心說向相思害。自主張，休勞攘。  
前生受業今遭障，消遣空門暫作維摩行相。前腔穿  
側徑來，方丈求禮拜過鴈堂。如來鑒照金天上，舊事  
差池，新愁鞅掌。負義人薄倖郎，佳期曠，秦樓又把風  
情颺。虔叩慈悲保佑，夫妻隨唱。

題紅記

霜紅寫怨

二郎神 清秋近，這些時看腰肢消盡。嘆風雨羊車無  
定準，淒涼金屋。阿嬌難賦長門，絢扇羞裁明月韻。誰  
待去，摧殘脂粉，謾傷神。儘憑他愁腸斷送青春。前腔。

休攀便長門寂寞也須耐忍怕取次摧殘花蕊嫩他  
看花不語為難忘舊日君恩猶勝琵琶千古恨枉自  
損傾城嬌俊且溫存料此去承恩只在朝昏轉林鶯  
花前風颭金縷裙偷閑暫出宮門見樓閣參差雲霧  
隱揔惹惹佳氣氤氳銅溝暗引望咫尺恩波相近碧  
泫泫似銀河一帶內苑初分前腔荷花一片鋪錦雲  
紅衣落盡猶存又兩岸芙蓉風色緊瀉金沙百折如  
奔宮前滾滾羞自把年光流盡怨東君便宮門咫尺  
也沾洒難均啼鶯兒御林紅樹交水濱是丹楓乍經  
霜隕忽西風暗度籬根紛紛飄墮成陣便教他青娥

剪裁也。填不出這胭脂嬌暈，慢懷春，柔情千點，借你  
寄殷勤。前腔看枝頭紅染一瓣春，也無情，可會調引  
便憑他千樹羅紋，空傳一段春恨，怕桃源難逢阮郎，  
枉費你錦腸千寸，倩波神，當胡麻一器，浮出武陵津。  
黃鶯兒紅袖拂苔痕，蘸霜毫，搆思新，強將翰墨傳芳  
信，他曾酬麗情，曾逢主恩，寫春愁，拚把這片霜紅儘  
謝殷勤，好將心事寄與有情人。前腔彩筆寫回文，點  
蠅頭，草又真，恰正是錦囊佳製，明勾引，應教斷魂空  
勞費神，願風姨水伯齊幫襯，聽原因，姻緣簿裏全仗  
你去做冰人。簇御林我是悲秋客，腸斷人，寄愁心，出

禁門你溪頭去通箇桃花信若逢人且謾說真名姓  
枉痴心無情流水那討箇音塵前腔你心中淚夢裏  
人這相思假共真休做了水流花謝無憑準休得要  
一春魚鴈無音信若遇俊郎君得諧秦晉再拜謝媒  
人尾聲新詩一葉隨流迅寫不盡滿懷春恨拚取月  
冷黃昏深閉門

金水還題

北雙調新水令玉堂名姓恰新題每日家客窓沉醉  
當日箇杏花紅似錦如今呵驕馬去如飛轉眼芳菲  
又早是暮秋際駐馬聽白玉崔嵬鳳闕雙尖盤紫氣

黃金壯麗龍城一帶晃朱輝，碧天雲淨鴈行稀，紅樓  
風急砧聲碎，這些時孤客邸，早教人勾引起悲秋意。  
**喬牌兒** 他曾載顛狂柳絮飛，泛輕薄桃花墜，到如今  
蕭蕭紅樹殘陽內，瀉秋聲在禁城裏，雁兒落看濕津  
津墨乍題，清楚楚詩新綴，空費他恹恹錦綉腸，多  
半是滴瀼瀼胭脂淚。**得勝令** 是嬌滴滴楚王妃，俊  
嫋嫋漢宮姬，冷清清描寫宮中怨，恨匆匆消磨心上悲。  
你痴迷謾說道千里能相會，我驚疑這些時傷心知  
為誰。**川撥棹** 俺和你都弄虛脾，知道是假和真，張其  
李，隔着這巫峽高低，湘水東西，空閃下一場憔悴，這

乾相思難傳示你折桂令拾霜紅一葉東籬我也索撮土為香再拜親題典及你做箇鶯燕勾差烟花信使風月文移你須索向莽桃源忙傳符璽險陽臺急豎旌旗若能勾成就佳期我向花柳場中封你做撮合先魁七弟兄你豈知這事罕稀告神祇若是三生有幸能相會便天河一派隔東西索借一道逆波兒流入宮牆內梅花酒呀我待臨行囑付伊你可趁着青堤認着紅閨投着朱扉到溪頭尋舊主向水面送新題則說通出城西過紫衣他見了葉痛傷悲握着管恨迷離眼巴巴盼佳期意懸懸夢靈犀收江南呀

則見碧波中一葉去如飛恰便是滕王千里順風吹  
詞源三峽倒流推這漁郎可有喜却怎生急煎煎流  
入武陵溪鴛鴦煞想藍橋路上瓊漿水天台山下桃  
花蕊他一般邂逅相逢終遂于飛我如今子將這紅  
葉傳情新詩做媒幾時得親近那有情娘倥倥做風  
流婿梅今夜孤栖向百尺樓頭做箇夢兒起

溪口收春

山坡羊冷淒淒清霜時候悶恹恹愁懷依舊怨嘹嘹  
紗窓鴈來恨悠悠燃指重陽天空教我淚暗流似珍珠  
脫線頭盈盈點汚點汚羅衫袖這一捻身軀儘他消

瘦清秋今日紅粧人也羞難酬明日黃花蝶也愁前  
腔我眼睜睜在鴛鴦浦口意懸懸對西風迎候只道  
你虛飄飄斷絕信音誰承望喜孜孜今日相逢又向  
這溝水頭殷勤和泪收新詩幾字幾字成迤逗天上  
人間那些邂逅東流問今日仙郎可姓劉西樓拚今  
夜新添一段愁前腔誰着你拈花弄柳做得箇鶯儂  
蝶儂知他是無情有情百忙裏故意相挑逗這一葉  
秋須將在意收姻緣湊巧湊巧從來有定不負這倒  
送霜紅水一溝休休不是冤家不聚頭悠悠一種相  
思兩處愁前腔你這詩媒端詳非偶這姻緣終須成



就你做箇符牌兒挑在髻邊做箇香囊兒緊繫在裙  
腰後你兩意投隔着湘江兩岸秋無情只許只許無  
情受好處將來好處收溪頭一半徘徊一半羞凝眸  
一字風流一字愁

洞房會葉

梁州序 雀屏初中綵絲新繫謾道清華人地兼葭玉  
樹春風乍喜相依不用藍橋投杵橘浦傳書已作瓊  
宮配恰憐雙笑處影差池彩鳳文鸞逐隊飛合今夕  
裏洞房內銀河共看雙星會金屋女玉堂堦前腔青  
錢時彥彩毫名輩姓字紗籠新綴三星恰照絲蘿已

附花魁。况是飛纓閫外，擐甲行間。一片英雄氣，紅樓  
風色好。正相宜。青鳥銜花一對飛。合前前腔向粧臺  
紗扇新披。對寶炬蛾眉羞啓。看芳塵暗引，綉裙珠珮。  
謾憶長門夜月，內苑秋風。回首成縈繫。可憐紅袖底。  
影徘徊。夢裡巫雲一朵飛。合前前腔羨仙郎金榜名  
魁。喜嬌女蘭閨姝麗。恰金釵鈿合，共成雙美。可是連  
栖錦翼。並蒂瓊花。照映青雲裏。畫簷芳信早。破紅梅  
一一銀笙帶雪飛。合前節節高紅紗燭影低。綉簾圍  
玉卮。欸進蓮花水。銀鑰細。檀串遲。鶯歌麗。翠奩深處  
春如綺。綠窓長夜歡聲沸。合舉案爭誇窈窕娘。畫眉

恰稱風流婿前腔同心合盃杯照雙飛春風此日諧  
連理郎才美女貌奇成佳配瓊臺霜雪逢佳麗玉京  
花月成尤端合前餘文金鍼玉管俱專美看燕爾新  
婚可喜願歲歲花前叶唱隨

步步嬌玉鏡臺前燈花爛掩映回嬌面花床對合歡  
翡翠幃深芙蓉衾煖携手莫畱連聽金壺已自催銀  
箭沉醉東風他喜孜孜謾教催喚我羞答答可勝面  
腆恰正是咲啼難恰正是笑啼難愁腸宛轉悔錯繫  
紅絲一線伯勞飛燕情緣倒顛傷心處拆散菱花半  
邊忒忒令問嫦娥那些掛牽咲書生可曾畱戀且將

這關雲剝雨都拋閃，休辜負今夜團圓。休辜負今夜  
團圓，怕月漸低，雞漸催，容易花梢日轉。好姐姐休題  
浮紅半聯，償不了斷頭香願。料平津雙劍，情知會合  
難。相思斷，殷勤謾付銀燈焰，再結來生未了緣。嘉慶  
子記當時御溝水邊，那郎君把霜紅戲染，你索問那  
人近遠，可只在洞房中，絳燭前，雙蝴蝶。我只道出秦  
川去不還，誰承望向天台有信傳。這姻緣非偶然，漢  
司馬琴心終縮，謝家粧桃花再見，樂昌鏡又重圓。園  
林好你愁絕秋風一聯，我悵望明河半年，恰謝天天  
憐念。今日裡遇嬋娟，今日裡遇嬋娟，川撥棹霜紅片。

我為你望宮門淹淚眼，誰知道今夜燈前誰知道。今夜燈前似雙雙明珠再還，這風情作話傳。這風情作話傳，錦衣香，照羅幃，銀缸燦，觸牙床，金鈎顫，聽鴛枕，聲聲嬌鶯低轉，可憐豆蔻破春纖，猩紅愁展，碎玉羞淹，怕花枝嬌軟，不禁他蜂揉蝶戀，春困迷星眼，桃花半臉，鮫綃沁處，胭脂幾點，漿水令泛，桐溝愁心一片，隔花源相思兩邊，可知完缺總由天，連珠啓璧，到底團圓，雙雙願，今夕滿，他紅鴛自合，照霄漢，從今後從今後，紗窓早晚，舒心的舒心的，長抱金鈿，收尾，姻緣天合從來罕，這其間宿因非淺，咲種玉偷香，只枉然。

紅葉記 此與題紅記  
一箇故事

紅葉題詩

六犯清音建章春晚上林花褪消盡繁華金粉夢回  
青瑣依然萬戶千門日照雕甍暖花鋪複道陳飄紅  
袖拂翠裙團花新樣綺羅紋怎能勾追隨鳳輦歸金  
屋怎能勾擁坐鮫綃比玉人高堂白髮淒涼老親別  
來一向無音問總勞神寸心千里白日易黃昏前腔  
青陽漸老紅稀綠嫩一夜花飛成陣風光如醉韶華  
自惜芳辰鳳吹瀛洲遶鶯歌太液聞香風暖淑景勾  
宮車何處碾芳塵只教我焚香小殿虛供奉只教我

奉帚平明伺至尊，鴛鴦翡翠君恩自新緣。慳那得依  
龍袞，自溫存。紅顏無主苦樂本由人。

鎖南枝。酣紅葉，色似丹。飄零何事離故山。寂寞笑紅  
顏。安排待青眼，看秀色。若可冷喜青皇，巧爲幻。前腔。  
皇都景春已還，東風滿地垂彩旛。花信只今番。芳菲  
有千萬，燒銀燭。近寶闌。葉兒紅，有誰看。前腔。昭陽殿  
未進環，行春隨例金鎖關。無意理雲鬟。春歸更心懶。  
見紅葉，伴我閒。對斜陽，枉長嘆。前腔。金橋下，幾道灣。  
隨溝暗度如下灘。還怯暮春寒。曾經舊年晚，流將去。  
到世間。豈胡麻澗邊飯。

御溝得業

太師引觀新詞未審誰名氏却教人心中暗思元不  
是蠹魚深刺豈蝸涎篆籀如斯鴈春歸偶遺錦字便  
匆匆能無片紙這其間定有意兒恁隨流滔滔直待  
東之前腔玉輦何年來帝子更淹淹蹉跎歲時看過  
眼部筆如駛長日伴飛絮游絲恨無能身生雙翅到  
人間盡傾心事因此上把紅葉題詩多應是盈盈泪  
染胭脂香柳娘望磐龍上流望磐龍上流葉兒依舊  
前番流去今番又免中途逼逼免中途逗遛莫近鳳  
凰樓殷勤付紅袖又恐那人見收恐那人見收解識



元由倍添消瘦前腔嘆良緣怎酬嘆良緣怎酬十常八九况九重深處連雲竇便題詩御溝便題詩御溝玉杵倩誰求雲英若為偶這相思且休這相思且休除非是羣玉山頭佳期成就尾聲金吾早已催銀漏謾把閒吟破客愁明日江邊買去舟

宮中得葉

青衲襖你本是佩雲霞伴洞仙你本是掌圖書居閣苑只為你羨牽牛猛欲逢劉阮誰知道妒寒鴉空教經歲年這幾日向桐陰步玉磚怎能勾坐椒房迴翠輦咫尺長安在日邊前腔我只為愛鶯花襯錦鞦誰

承望插雞翅充禁鸞倩丹青怎慙得君王願想晨昏  
難逃這離恨天每日間對春暉兩泪漣又早是送春  
還三伏轉怪殺高林叫杜鵑前腔你休得兩眉顰煩  
惱纏你謾道五行排福分淺望楓宸有日承深眷念  
椿庭何年歸故園還須要對菱花整翠鈿怎捨得淡  
芙蓉鬆寶釧須信人生自有緣前腔非是我苦幽懷  
有萬千非是我盼佳期爭近遠到不如嫁田家終是  
荆釵便總能勾侍宸旒還愁紈扇捐因此上悶無心  
聽管絃有時節寫衷情親筆硯猶記江籬賦短篇  
剔銀燈憶粧臺春眠乍醒好無聊偶成漫興東流只

分隨漂梗又誰料新詩酬應合感卿殷勤用情想必  
是當今雋英前腔送年光宮前水聲透瑤華天緣夙  
言紅絲暗結雙鶯頸五七言分明媒證合前

琥珀猫兒墜何妨寂寞綺閣伴雙星雨露從教別處  
零晨鍾不聽上陽鳴合今生不道題詩結果前程前  
腔舞鸞雙掩銀燭冷金屏懶學蓮花地上行黃金錯  
寄錦官城合前尾聲算來萬事皆前定畱作他年話  
柄誰信無情却有情

出示紅葉

玉山頽春風深院拾霜紅如披彩箋咏殘春付與東

流侍長姝另居西苑年華經變飄泊那能相見喜觀  
嬌兒面又徒然錦屏射雀在何年前腔尋春曾倦傍  
宮槐行聽暮蟬見禁門深鎖黃昏喜御溝水流清淺  
渾疑花片知是日長宮怨天意從人願豈徒然晨昏  
相伴幾經年催拍喜天山於今掛弓又誰知藍橋路  
通深蒙婦翁深蒙婦翁蘿葛連綿許附青松柯斧殷  
勤莫忘丹楓合相看處喜氣匆匆誰暗結兩心同前  
腔念睽違天涯乍逢論姻緣還如斷蓬何期有公何  
期有公發迹疆場可是非熊光顯門楣不負乘龍合  
前尾聲人生踪跡真如夢對面誰知壻與翁為問蓬

山有幾重

紅葉重逢

香羅帶雙心似契蘭前盟未寒良緣定有青絲綰滿  
溪紅葉似春山也空對此涕潛潛赤縮雖繫相見難  
無數琅玕也泪眼相看總欲斑前腔西風度玉關蒙  
恩賜還任齊眉自舉梁鴻案庭花有主許誰扳也嗟  
命薄屬紅顏思量幾度摧肺肝悶倚闌干也泪染團  
花尚未乾

下山虎銅溝去後白日黃昏捫盡相思泪常懷美人  
悔殺我一念無端惆悵何時見君誰道菱花依舊新

兩地心相印，屈指長門十箇春。今日天憐憫，終成眷  
姻。不負梨花畫掩門。前腔花前月下，幾度消魂。未識  
多情面，空遺泪痕。忍見你終日無聊，寬却榴花綉裙。  
嬾抱衾裯，蘭麝薰，寂寞誰憐。問且喜三生宿有因，雙  
葉紅齊暈。天諧晉素，猶勝君王雨露恩。

附韓夫人金盆記

一名四喜四愛  
即同上故事

旦花心動翠被生香，被流鶯喚回鎖窓春夢。嬌眼正  
酣還醒，雲鬢鬆繡裙移步金蓮小。愛取花檻橫凭，

冒峭寒行遍百花芳徑。

宿醒未解，官娥報道，別院笙  
歌會早，試問海棠花，昨夜開

多少，妾乃韓夫人是也，喜得百花爛熳，不免喚出小  
紅翠紅，同到後花園賞玩一番。小紅翠紅何在？小旦

天下樂忽聽窗外喚小紅月痕猶自在簾櫳丑玉人

何事驚春夢知是芳心戀曉叢合羅衣寬欲褪瘦怯

五更風小紅翠紅叩頭旦起來小旦丑小姐如今天

使用旦喚出你二人別無甚事如今花園百花開放

想那萬紫千紅早把芳心引動和你同去遊玩則箇

小旦丑小姐正是青春易過佳景難逢請小姐先行

待我二人隨後旦如夢令門外東風何早一夜海棠

開了料峭五更寒人倚闌干清曉鴉噪鴉噪忙問落

花多少○蜂蝶紛紛鬧曉風惜花春起看芳叢誰家

酒散笙歌罷綉二犯朝天子繡閣羅幃睡正濃料峭

春寒透夢初醒小旦丑小姐那枝綠楊枝上亂啼鶯

白旦紅旦滿旦挑旦一旦肩旦挑旦過旦洛陽橋又聽得賣花聲

被他每喚起春情芳心早驚小旦丑小姐那見花枝

笑臉相迎

(小旦) 小姐前面雨來了(旦) 既雨來了呵且到牡丹亭上無一會看催花雨

晴把六曲闌干凭門掩花陰靜徙倚遍牡丹亭緩步

穿芳徑

(小旦) 丑) 呀好大曉風輕教我鸞鏡蛾眉畫不

成(小旦) 丑) 小姐看那花紅得好待我摘取一枝過來

(旦) 如夢令) 花覆鞦韆影裡翠袖雕闌斜倚纖手探

花枝弄落一天紅雨花氣花氣薰透滿身羅綺○曉

起看花遠徑行南園二月兩初晴鶯聲喚起尋芳徑

鸞鏡蛾眉畫不成手撚花枝豔罷曉

粧(小旦) 小姐你的綉百花薰透綉羅裳春書長(小旦)

你看鶯燕都飛在粉牆上(旦) 只見紫燕與黃鸝飛來在粉墻花前

翠袖飄揚

(小旦) 小姐你看那海棠花愛只愛茶蘼共

與這茶蘼花真開得(旦) 愛只愛茶蘼共

海棠花壓闌干上羅帶風中颺行步步綺羅香(小旦)



你看那蜂蝶粉蝶相親傍引蜂狂笑他閑逐東風為

甚忙小旦小姐天色已晚月兒又上來呵旦如夢金

在梧桐金井夜靜夜靜坐愛不知更未○花下歸來

漏遲前腔庭院沉沉玉漏遲小旦小姐看那月碧海

冰輪上月正圓畫闌斜倚對嬋娟晚粧殘小旦小姐

玩月旦却教奴家貪看清輝綉床懶眠小旦小姐夜

冷呵旦夜深玉露涓涓透羅衣峭寒人在瑤臺畔宿鳥

驚初散畫角已更闌寶鏡臨粧面轉堪怜教奴家坐

對梧桐樹影偏小紅你把金盆盛些水來小旦水在

盆新盥孤影落清波手把廣寒團轉休嘆休嘆人與

嫦娥不遠○花正芳菲月正圓人間天上兩嬋娟小旦

看碧海飛金錢坐前腔坐對梧桐樹影偏露滴瑤階

對梧桐樹影偏坐對梧桐樹影偏露滴瑤階

靜月正明小紅你兩箇擡水架過來金盆玉手弄輕

盈瀉銀瓶小旦也有一箇月只見孤影清波相看

有情桂花月免雙清望依依玉京仙掌驪珠迸水月

光相映小紅你二人拿定金盆待我捉住此月

撥明纖手把廣寒擎小旦正是水中捉月費盡心機轉

覺水輪正漾清溟好似水拍銀盤弄化生餘文賞花

時月生晴陰玩月樓臺似水清但願人月團圓花枝

照眼明

沉香亭上百花新

燕子樓前玩月明

惟願年年花月好

朱顏綠鬢共青春

紅蕖記

客舟高咏

紅衲襖莫不是一片歸帆自遠浦來莫不是一帶平沙被落鴈躡烟寺晚鍾空萬籟晴嵐山市臨水開更非關夜雨瀟湘滴兩涯也非因夕照漁村將網曬渾一似暮雪江天有箇啄食的寒鴉也敢只是洞庭秋月弄珠的神女儕五更轉想豔嬌含情採料應他欲寄懷和枝和葉都付伊擔帶故觸輕舟心兒先解浪已平風又息塵如灑銀蟾三五圓滿光無礙更遇着

解事江流送得不慙不尬。劉潑帽道伊有意也。誰留  
在道無情。又似天巧安排。芳聲空染得懷中揣。怕瘦  
骨骸。這豔質難勝戴。東甌令也是你桃花運。命中該  
生扭做胡麻枉自猜。藕絲兒慣惹縈牽。債蓮心苦如  
何捱。潘娘脫瓣縷金鞋。剛映六郎腮。金蓮子我是小  
秀才。風流性格偏難改。辦一片誠心兒。且捱怎做得  
問迷津。遇仙的劉阮到天台。尾聲你好供養他燒香  
拜。何時笑把並頭栽。醞釀相思的軟玉胎。

述懷蓬底

山坡羊我是月中花落。下廣寒宮的枝葉。玉芙蓉做

了秋江上的萌孽，念奴嬌怎看承得二親撼亭秋。怎  
保得風木常寧帖，看那蘇幕遮梧桐樹，又斜。蓬窓冷  
雨，疎影和燈謝，粉泪沾紅綉鞋，頻跌傷嗟。却望吾鄉  
路轉賒，非是心邪，謾憶王孫擲果車。前腔雖則繫人  
心，一似鄧伯道的磨折，想你這女臨江，好做蔡文姬  
的家業。只管惜黃花苦憶他的暮年，不顧怕春歸親  
意應先懾，看你薄媚頰似花兒紅褪靨，一雙鷓鴣斷  
送啼鴉，夜削玉鬆金鳳釵，輕撇休嗟。碧玉簫聲定不  
賒，你若隨邪，怕入賺琴心，引駕車。鶯集御林春，病和  
愁續斷相挈，料沒藥可劫，悶宿紗幮裙褪，搯枉嗔咱。

蔓藤饒舌、被你雌黃笑口、沒來由把人做浪蕩相、譏  
切我非躑躅洛川神、那裏去妄想王孫、甚干涉、前腔  
從容去解放愁結、把紅豈暫輟我身、似清秋蟬蛻怯、  
謝紅娘用心偎貼、萍逢草草、想三生有緣、畱待今番  
接、又只怕西子不畱行、他日續隨着陶朱、泛湖轍、琥  
珀猫兒墜、水雲聚散、怎繫木蘭楫、夜火朝帆、容易別  
怕境非吾土、倦披閱、且歡愜、圖得箇契結、蘭金似珮  
環、無缺、水紅花、渚宮涼似曉來些、你病軀劣、商飈莫  
惹、傷心怕聽暮簷鐵、角聲竭、笳聲催也、有變徵誰家  
哀訴、有換羽調方泐、筭來都是鎖愁鑰也、囉、琥珀猫

兒墜冷冷白露赤緊素華泄轉眼東籬黃綻徹又逢  
青女信兒冽這孤潔落得箇月黑江寒夜香空藝水  
紅花身非金石易磨滅命差迭問得我狂心將起恰  
纔嗔我話兒喋這心訣把紅絲自扯恨土木形骸匏  
繫似毛革被玉籠掣不堪低訴竹窓穴也囉尾聲人  
情不甚相差別這些情偏難盡說含笑相看心兒一  
樣熱

登樓約伴

步步嬌雲盡湘潭空江晚客棹天涯返看汀蘆絮又  
寒斷送昨日秋鴻今日寒鴈只隔一宵間把羈人展

轉忙催趲。忒忒令記迴步叢祠醮壇。有少俊背人流  
盼。天台路口。只少胡麻為飯。奈平白地阻巫山。那此  
時消受的是我傳情俊眼。沉醉東風。覷花容秀色可  
餐。兀自鎮朝昏把伊貪看。况遇着俊潘安。見伊家風  
範。怎教他不步隨心絆。不知是伊命慳。不知是他分  
慳。眼睜睜對面參差了這番。園林好人世上浮名是  
閒。求名客經時未還。為只為紅絲牽綰。休獨自倚朱  
闌。知何處黛眉殘。尹令我剛惹得風流運限。只道是  
没人窺。闕那時有何疎綻。被伊把奴拖犯。若漏泄風  
光。怕帶葉連枝各有干。品令你秋波映人蘸。得他眼



兒乾春情飛。時情誰攔。非奴敢訕。愛看伊嬌靨。  
况和伊一樣。做女子羞人挑泛。莫把我衷腸。比做無  
心雲水看。萱葉黃。恨相依作伴。兒女家痴頑。不做美  
一謎惺惚。不做美一謎惺惚。全不顧他人心懶。我猛  
思輕涉。把並頭藥攀。又只怕說咱們的情雜。又只怕  
說咱們的情雜。怎消得饞涎。免得心兒緊拴。（五供養）  
風魔忒罕。我欲避還憐。欲看羞顏。只恐荻花頭頓白。  
楓葉淚成丹。愁苗自產。更不被霜威相扞。君還相訪  
易。奴為出來難。挫過花星。似浪萍分散。（玉交枝）你一  
聲嗟惋。料應添柔腸幾灣。知他也無柰。連雲棧。枉相

思不斷如環，縱秀才們大膽性，偏像想女郎們弱質。  
何曾慣怕他行初心，易彈怕伊家失身難挽。月上海  
棠恨怎剛，舊詞惹起新枝蔓，念佳人何在，漫詠湘蘭。  
這些兒短賦長吟，抵多少傳書寄柬。這是青玉案，那  
人兒怎能勾答贈琅玕。江兒水惜別心能醉，聞歌意  
未闌，行吟的應也憐。長嘆料他眼底愁，棕櫚全憑句  
裏情，絲襟似孤鴈，呼羣江岸不肯停栖。細把寒枝都  
揀川撥棹，他真狂誕，夜將分歌再反。這詞兒語意相  
關，這詞兒語意相關，我鐵心腸猶將淚彈，但思量吟  
鳳翰，又何須逐鹿躡尾聲。題詩一字愁千萬，柰好事

自多磨難，畱取他年作案翻。

醉扶歸。枉了和烟和影吹香穗。怎得行雲行雨濕仙衣。想他靜臨蘭檻，卸粧遲。須會笑拖星眼，將人帶。願有日銀缸斜背，擁羅幃。道如先睡也，奴先睡。前腔。他好似鴻冥影外驚弦避。又不是夜深江上弄珠迴。想吾儕情事各支離。但是冤家孽債多歡喜。有日把相思和你一齊醫。奈愁人怎與愁人計。

勾引水窓

四時花。想他春態暗關情。這眉間恨心間事，特地難平。卿卿凌波步懶，心自迎。低鬟斂眉含笑驚。坐來時

百媚生，顰垂羅袖軟。玉半傾，鍼將線引不住，恍惚見赤繩。促急裏，憑誰拴定，却又是竿影帶影，絲影手影，香影。前腔睡起不勝情，見舟中客，把胸中悶，一霎都平。憐卿憑闌眉語，神暗迎。我嬌多幾番，魂似驚，不由人愁又生。有心和你將肺腑盡傾，只怕風帆霧槳不暫停。今夜彷彿對玉繩，怎得似雙星。期定趁雲影，漢影，山影，水影，船影。

集賢賓他嚴粧嫩臉，花正明，向薄綺疎櫺。潮落波平，開晚鏡，看垂鈎纖手，偏輕似紅蕖露冷。秋色共長江相映，我專意等，願你為交甫解珮，投瓊前腔雖是其

中詞義不甚明，想說着我坐對窓櫺，一似奇葩臨寶鏡。你這偷花手段，須輕今夜江空月冷，怕甚麼漁燈相映。我愁坐等，怎做得輕舉飛瓊簇御林。把漁磯畔當雀屏。七言詩願結百歲盟，紅綃料比牽絲勝。何用把水人情，覷娉婷魂迷色動，應解惜惺惺。前腔雖沒有芙蓉褥，雲母屏，這紅牋已訂玉版盟。含情疊做同心勝，何用把雙魚倩，愧娉婷。只有蘭襟蕙思，脉脉自惺惺。黃鶯兒他早是目先成，更將人新句廢。只是語含糊，未吐風流性。觸輕舟乍聽訝江流，有聲紅蕖二字剛相應。這俏魂靈，怎如倩女千里，逐郎行。前腔井

底墜銀瓶，側楞楞，斷了碧玉箏。並頭蓮，可推纖柄，  
斲琅琅，偷香處，掛鈴。疎刺刺，雕鞍撒鎖鞚，眼睜睜，拆  
散鴛鴦頸。美前程，把嬌紅繫定，點點似守宮凝。

觸舟諧配

懶畫眉，怕聽銅壺漏聲催，別鳳離鸞，又慘悽，朦朧合  
眼夢驚回，再難續，上追歡會，又是孤幃，一別離，前腔  
楚天雲雨盡堪疑，湘水無情，弔豈知，紫陽宮遠，鴈書  
稀，空有沾衣淚，怎得仙侶同舟，晚更移，前腔，這時節  
水平舟靜，浪聲齊，那裏是早晚孤帆，他夜歸，空驚得  
寒猿暗鳥，一時啼，想是楚神尚有行雲意，只恐惆悵

當年意盡違

二郎神 誰相憫、向重泉、把沉淪重訊。羞吞吞兜的相狎近、只為遭逢狹路、難將冷眼酬恩。他那裏橫枝、猶着緊、怎教我遺親忘本。去無門、欲住時、又不能傷着箇親人。箭腔休顰、你雙親既老、况存亡未准。且自把鮫宮雙淚、搵怕紅綃、誤染翻成玉臂珠痕。海外神香返麗魂、又誰任、冰人勞頓。你細評論、須不比尋常世上婚姻。鴛啼序、幾多奇事、欲訴君、况承詢問、難隱為君家哀誅酸辛、更因你恩義推分、送行的是清源上仙、曲赦的是龍宮明訓。我羞自哂、少不得動人唇吻。

前腔向來不遇知已伸喜三詩得入題品第一篇通  
與殷勤水神却為傳信他也應知人間鄭郎你不枉  
了閨房才俊我難自忍等不得謝媒合豔咏木兒心  
先允敢愛身只是媒妁之言猶未儘念雙親初棄遺  
孤忍一時割痛成婚况乘人難中你名不順傷君義  
聲我終遺恨野合匆匆教人笑妾奔前腔蒙相許敢  
再陳水底良緣是宿世因你爹娘在洞府逍遙也盼  
着你花燭繽紛可憐見咱魂銷盡知恩報德情難混  
轉眼忘情意未真滴溜子甄家女甄家女權為洛神  
逢交甫逢交甫重遊漢濱從此和諧秦晉休將往事



卷一百一十五

三三三

紫樵悴損把綠蟻青燈空對絳唇鮑老催菱嬰瓦盆  
金尊玉笋一樣春歡情添取千萬分量本窄謾央求  
休厮譚婦酬夫勸無勞遜良時吉日歡何靳也只索  
相隨趁滴溜子歡娛夜歡娛夜休生怨嘆從前日從  
前日兩人意肯非是故添愁悶念奴方有家痛殺親  
先殞十八載深恩空洒遍湘筠鮑老催陽臺雨雲安  
排送入駕被溫你含羞正喜銀燭昏怎禁得多軟款  
相挨襯一似櫻花蘸水紅難褪芙蓉帶雨姿偏嫩這  
錦陣難逃遁尾聲怎當他流波斜送些兒韻饒眼瞪  
前盼睐頻甜軟鄉中住幾旬

寄情北里

繡帶兒詩中語教伊怎解，藏着恁般機械。想誰家撇下一把芙蓉，却倚傍着片舫江涯。疑猜他寫云七月七日採字畫內有許多情態，那時節同行須有魏林。只除是會人意的江流方解，前腔奇哉。這紅蕖東蒙君盼睐，是奴手自畱在，比及我聽得一首新詞，却又寫君家半夜愁懷。鴛鴦虎皮羊質不自揣，要欺占燕鶯花寨。這詩句他道是自我，若不是解詩意的，爭些被謀賴。太師引問似山愁如海，只為一篇詩結了箇恨胎。從此後把相思撇樣，這相逢是命運安排。一言

謝得娘慷慨想姻緣簿兩下裡難措又還愁他鸞儔  
已諧須負了我鳳鸞鴛被的情債前腔你意兒直恁  
難分擺念藍田雙玉未裁聽說罷私心歡慶這好事  
百無妨礙才郎自是折桂客須把你做國香看待一  
諾後看終身不改休間阻他夫妻百歲的恩愛瑣窓  
寒這孤幃春夜難捱也是紅鸞數未該尚連絲帶藕  
兩下分開高荷出水全憑遮蓋做花神暫時擔帶兩  
腮撲堆着萬種可憎木可知道打動這乖乖前腔這  
姻緣鬼使神差曾把蓮心並蒂埋向花房葉底露出  
根芽喜慈親做美把全枝相貸算錦片前程難買着

小齋似桃花澗水滿天台待教仙客重來

鼓棹遇仙

孝南歌剛浮棹恰放船追思洞庭昔日緣身到鬼門  
前魂從夜臺轉強似去年爭奈女在親亡要見無由  
見他那里萬苦千愁欲展何時展生也是天死也是  
天便做苦掛牽何必恁埋冤銷金帳長沙路阻自古  
多哀怨弔三閭人去遠恰待斷些煩惱助些歡欣前  
途又早又早見君家隱顯多少湘流多少含深願爭  
如此去此去翩翩似仙孝南歌慙輕舫來錦鞵趨承  
不周是奴罪愆我肺腑把恩鑄威顏似少貶使又不

勝驚顛一似魚服遊龍却把余且眩但願澤畔靈蛇  
不把隋戾譴生可憐死可憐你把聖手援何用枉埋  
冤銷金帳神仙顯化幻跡多更變搬弄得人乖舛只  
見這廂頂禮那廂分辯望從前恕却恕却凡夫偃蹇  
多少憂惶多少懋和勸都因遇了遇了玄冥上仙孝  
南歌蒙恩庇椿與萱寒灰料應難再燃是洞府隔重  
淵誰道仙源路迂衍願行方便若得破浪凌波再覩  
爹娘面便做濡首沉身肯惜奴婉孌他孝也全我義  
也全既是意已堅更有甚埋冤銷金帳烟波伴侶湖  
海經行遍筭幽明路更懸幸遇恁般神力恁般聖眷

教人怎辭，怎辭辛勤差遣，多少珍奇，多少深宮殿，臨風自喜，自喜飄飄欲仙。

留題翠袖

北粉蝶兒往常時無怨無恩，熱心腸似冷烟寒燼。到如今俠性難馴，剗地送輕舟，呼小婦，向幽宮歸覲。與凡人指破迷津，剛酬了故人情分。南泣顏回你恩到泣珠人，縱骨化形銷難泯，藏舟潛壑也。知還壁無門，感神明導引，使遊魂骨肉還相認，不能隨坐法淳于。又教人竊笑文君。北石榴花一番題起一番新，身外又生身，這恩波應未解，惜枯鱗也。算得是蠢，枉淚染。

叢筠您敢倩誰將那壽夭把這乾坤問，又何勞您楚  
客招魂，既然甘死將親殉，可記得隨女伴禱江神。(南)  
駐馬聽披豁情真，幸荷全生天地仁，更願垂憐烏鳥，  
沛澤黃墟，飛舉青蘋，獨畱孤塚向黃昏，相看同穴愁  
斑鬢，若做玉洞仙羣，勝如展轉輪迴無盡。(北)紅綉鞋  
口兒裡啗提心兒裡印，送得他濕雲兒如夢，雨如塵。  
鄭公聽履上星辰，碧知湖外草，紅見海東雲，清秋的  
霜後隼。(南)石榴花幽明途異，何處結雷陳，請陳衷曲  
敘前因，因何義氣死生親，親骨肉也，怎比這殷勤，勤  
勞幾番甘自忍，忍和他下人厮趁，趁今日在深宮漫

評論論交誼道寒溫北十二月採菱歌在湖山的這  
小隱嫩松醪在江艇也那藏春雨下裏無端喫緊他  
可也托契在逡巡遇着那風師的這起釁纔得把伊  
家曲赦出沉淪南漁家燈多感你報德在重淵終不  
忍奚落孤貧想當初為幾句新詩到如今又把詩廝  
譚看法書綵筆真奇俊幸弊袖得存神品似羊欣重  
逢右軍抵多少書完練裙北堯民歌洞庭湖西望遠  
楚江分空畱下湘妃淚做竹間痕幾行章草耀星文  
一羣韶樂降仙勺恁休也波颯乘槎似漢臣錯認做  
迷魂陣南撲燈蛾焰騰騰電作威聲隱隱雷方震急



攘攘鬼神驚昏恻恻天愁日暈也骨篤篤濤翻江滾  
戰兢兢龍袖裏做嬌民痛切切心如剗刃聽悠悠韻  
迢迢空水共氤氳尾聲行行望入巴陵郡看歸雲擁  
樹失山村水國蛟龍窟宅尊